

Fotos y Texto: Jan Poets.

DEN AMBIENTE

Durante un tremendo anochi cu transmision Live di TeleAruba for di residencia di Alvin Koolman..

Candidatanan di Coastal Club a sera conoci cu nan number

** Tremendo mes tabata e anochi cu Coastal Club Aruba a organiza pa su candidatanan recientemente nas residencia di Alvin Koolman na Sero Colorado.

Durante e anochi ameno y sumamente agradabel aki, miembronan di Prensa tabata tin e honor pa entrevista y sera conoci mas di aserca cu tur e 15 presioso candidatanan aki. DEN AMBIENTE cu tambe tabata presente a haya e oportunidad pa entrevista tur e presioso candidatanan den un forma enbibo atraves di Top 95.


Realmente mester menciona cu e biaha aki Coastal Club Aruba a score masha halto cu su candidatanan, kendenan a demostra cu no solamente nan beyesa fisico ta conta, pero tambe nan forma espontaneo di a expresa nan mes na radio, tabata algo di aplaudi. Tur e candidatanan aki a demostra un inteligencia di halto grado y loke mas a sobresali durante e encuentro aki, tabata cu aunke e auto Chevy Monza como e premio maximo ta hunga un rol clave, toch nan a demostra cu esaki no ta hasi un influencia di rivalidad y cu na tin un bon amistad cu otro.

E anochi aki a ser transmiti enbibo pa Tele Aruba cu porcierto a realiza esaki den un forma profesional ala estilo CNN, cu contacto sin-

multaneamente cu nan studio principal, na unda tambe tabatin un otro programa carnavalesco cu invitadonan special den cual nan a realiza nan bautismo di nan jingle carnavalesco.

E parti cu Tele Aruba a cubri, tabata e momentonan mas espectacular di e anochi, na unda den un forma unico y sorprendente, e candidatanan a sera conoci cu nan number oficial. E dinamico comishon di Coastal Club Aruba un biaha mas a destaca cu nan tremendo creatividad cu ta papia di nan tema di carnaval "Aruba Dushi Tera, Antes, Despues y Awor", di a sorprende un i tur presente, na momento cu un boto a yega na e pier di e residencia di Alvin Koolman, for di cual un persona ala estilo di Alonso de Ojeda a baha cu un baul di tesoro, for di cual cada candidata a saca un caha di prenda cu tabata tin nan number aden y asina tambe a sera conoci cu nan number.

Awor cu e candidatanan a sera conoci cu nan number oficial, nan lo bay prepara nan mes debidamente pa e dos eleccionnan, cual ta dia 17 den Tropicana showroom pa e titulo di "Best Costume y Best Speech" y dia 24 cual ta esun culminante na unda Coastal Club Aruba lo bay eligi su Reina pa di e forma aki bay representa nan den e eleccion di Aruba su Reina di Carnaval.



** President di SAC Sr. Milo Croes, despues di transmision tambe a yega na residencia di Sr. Koolman, unda el a expresa cu su deseo ta pa Sr. Alvin Koolman bira president di SAC pa asina su persona y tur otro reinanan tambe por haya un auto regalo.



** Candidatanan cu nan number: 1) Iris Robert, 2) Zaira Vrolijk, 3) Lilah Croes, 4) Esther van der Linden, 5) Carolina Albertsz, 6) Jourine Vrolijk, 7) Mijoli Ras, 8) Louisette Vlinder, 9) Emma Ten Houten, 10) Lizayra Polak, 11) Omira Ras, 12) Pamela Maduro, 13) Darlene Giel, 14) Jolina Croes, 15) Scarlet Hassel..



** Robert Ras cu su camara dirigi riba Ivo Yanez den entrevista cu Alvin Koolman y Dona Oduber. E momento aki a ser realiza den un forma enbibo..



** Aki tabata e momento cu e personahe estilo Alonso de Ojeda ta bay habri e baul di tesoro..